



საქართველოს მეცნიერებათა ეროვნული აკადემია
ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ეროვნული გმირის ორდენი



ეროვნული
ორდენი

გმირის

ეროვნული გმირის ორდენი, საქართველოს უმაღლესი სახელმწიფო ჯილდო. დააწესა საქართვ. პარლამენტმა 2004 წ. 24 ივნისს. ე. გ. ო. გადაეცემა პირს საქართველოსთვის განსაკუთრებული, გამორჩეული გმირული ქმედებისათვის, საქართვ. უმაღლესი სახელმწ. წოდების – ეროვნული გმირის – მინიჭებასთან ერთად. საქართვ. ეროვნ. გმირის უმაღლესი სახელმწ. წოდება პირველად 2004 წ. 26 ივნისს მიენიჭათ აფხაზეთის მინისტრთა საბჭოს თავ-რეს, გენ.-მ. უ. შარტავას და კაპრალ გ. დამენიას (ორივეს სიკვდილის შემდეგ). საქართველოს თავისუფლებისა და სუვერენიტეტის დაცვისას გამორჩენილი თავდადებისა და შეუპოვარი ბრძოლისათვის 2010 წ. 6 იანვ. ე. გ. ო-ით დაჯილდოვდა აშშ-ის სენატორი ჯ. მაკეინი, 10 აპრილს – პოლონეთის რესპ. პრეზიდენტი ლ. კაჩინსკი (სიკვდილის შემდეგ). 2013 წ. 26 ოქტომბრის ბრძანებულებით საქართვ. ეროვნ. გმირებად იწოდებიან გ. გამსახურდია, ე. თაყაიშვილი, მ. კოსტავა, გ. მაზნიაშვილი, გრიგოლი (ფერაძე), მ. წერეთელი, ამბროსი (ხელაია). ე. გ. ო-ის ესკიზის ავტორია მხატვარ-ჰერალდიკოსი მ. გონგაძე (იხ. აგრეთვე სტ. ორდენები საქართველოსი).